

ՀԱՅԿԱԿԱՆ ԱՂԲՅՈՒՐՆԵՐԸ ԱՐԵՎՄՏՅԱՆ ՀԱՅԱՍՏԱՆԻ
ՎԱՂԲՅՈՒՋԱՆԻՄԱԿԱՆ ՌԱԶՄԱՎԱՐՉԱԿԱՆ ԲԱԺԱՆՈՒՄՆԵՐԻ ՄԱՍԻՆ

Է. Լ. ԴԱՆԵԼՅԱՆ

Հայաստանից նվաճված երկրամասերում Թեոդոս I-ի (379—395 թթ.), Հուստինիանոս I-ի (527—565 թթ.) և Մավրիկիոսի (582—602 թթ.) կիրառած ռազմական և վարչատերիտորիալ միջոցառումները բխում էին Բյուզանդական կայսրության նվաճողական քաղաքականությունից: Թեոդոս I-ը Փոքր Հայքը բաժանեց Առաջին (կենտրոնը Սեբաստիա) և Երկրորդ (կենտրոնը Մելիտենե) Հայքերի¹: Կայսրության վարչական և ռազմական բաժանումները տրված են *Nolitia dignitatum* փաստաթղթում, որին մանրամասն անդրադարձել է Ն. Ադոնցը կայսրության արևելյան հատվածի և հատկապես Պոնտական դիոցեզի կազմում հանդես եկած Առաջին և Երկրորդ Հայքերի ու Պողեմոնական Պոնտոսի կապակցությամբ²:

«Մեծ Հայքը», հայկական ինքնավար իշխանությունները՝ «ազգերը»³ (Անծիտը, Անդեղ-տունը, Հաշտեանը, Ծոփը, Ծոփանենեն, Բալահովիտը), Առաջին և Երկրորդ Հայքերն ու Պողեմոնական Պոնտոսը Հուստինիանոս I-ը հանձնեց Սիտա (Ջետա) զորավարի հրամանատարությանը (մոտ 529—531 թթ.)⁴: Այս նույն ժամանակաշրջանին է վերաբերում Պրոկոպիոսի հաղորդումը այն մասին, որ Հուստինիանոս I-ը «Մեծ Հայքը», «այլ Հայքը» (ἄλλη Ἀρμενία, որը ընդգրկում էր նշված իշխանությունների կամ սատրապությունների տարածքը)⁵ Մարտիրոսացուցում և Կիթաոնիձում նոր նշանակված դուքսերով, ինչպես նաև Խորձեսուն՝ Արտաշեսում նշանակված դուքսով, ենթարկեց «Հայքերի» զորավարին, որի նստավայրը Թեոդոսուպոլիսն էր⁵:

¹ Ն. Ադոնցը ենթադրել է, որ այդ տեղի էր ունեցել 378—386 թթ. (Н. Адонц. Армения в эпоху Юстиниана. СПб., 1908 (Ереван, 1971), с. 89): 386 թ. Թեոդոս I-ի հրապարակած դեկրետում, ինչպես նշել է Ն. Ադոնցը, առաջին անգամ հիշատակվում է Երկրորդ Հայքը: Փոքր Հայքի բաժանումը Թեոդոս I-ը իրականացրեց 386 թ., Մեծ Հայքի թագավորության (որի հյուսիս-արևմտյան մասը շարունակվեց անվանվել «Մեծ Հայք» կամ «Ներքին Հայք»՝ *Magnam Armeniam, quae interior dicebatur* կամ *τὴν γὰρ ἐνὸς ὁρίζοντος*)՝ մեր կարծիքով նախորդ տարում տեղի ունեցած պարսկա-հռոմեական բաժանումից հետո:

² Н. Адонц. Указ. соч., с. 91—104.

³ *Gens* և *ἔθνος* բառերը, նշանակելով ցեղ, ազգ, ազգատոհմ (նոր բառերը Հայկազեան լեզուի հ. Ա. Վենետիկ, 1836, Երևան, 1979, էջ 6, այսուհետև ՆՐՀ), վերաբերել են հարավ-արևմտյան Հայաստանի հայկական նախարարական ազգատոհմերին (Ս. Երեմյանը *gens* բառը իրավացիորեն թարգմանել է «ազգեր», տե՛ս Ս. Ս. Երեմյան. Հայաստանը ըստ «Աշխարհացոյցի», Երևան, 1963, էջ 57), այլ ոչ թե ինչ-որ «ազգությունների», ինչպես թարգմանել են ոմանք:

⁴ Н. Адонц. Указ. соч., с. 132—137. Հուստինիանոս I-ի *Codex*-ի՝ Սիտայի նշանակման հետ կապված հատվածի սկիզբն է. «Imp. Iustinianus A. Zetae» (*Corpus Juris Civilis*, ed. Fratres Kregelii, Band II, Leipzig, 1843, I. 29. 5, p. 111): «A»-ն ոմանք չեն թարգմանել և բաց են թողել, իսկ մյուսները այն կապել են Ջետայի անվան հետ: Այնինչ անհրաժեշտ է թարգմանել. «Կայսր Հուստինիանոս Օգոստոսը Ջետային»:

⁵ Procopius, with an English transl. by H. B. Dewing, VII, Buildings, London, 1954, III. i. 17, 28. ii. 1—2. iii. 14, v. 12 (այսուհետև Proc. Aed.): նշված հրատարակում—

հակում է հակ «երկրորդ»¹¹։ Սակայն Պրոկոպիոսի «մյուս Հայք»-ը չի կարելի շփոթել «երկրորդ Հայք»-ի հետ։ «երկրորդ Հայքը» Հուստինիանոսի նովելլաների Δεύτερον Ἀρμενίας-ն է¹²։

Պրոկոպիոսը նախորդ շարադրանքում արդեն խոսել էր «Մեծ Հայքի» և «սուս Հայքի» (ἡλικὴ Ἀρμενία, որը ընդգրկում էր նշված «աղգերի» տարածքը) մասին։ Իսկ Թեոդոսուպոլիսի հետ հիշատակելով «մյուս Հայքը» (εἰς τὴν Ἀρμενίαν), Պրոկոպիոսը, ըստ երևույթին, նկատի է ունեցել կա'մ «Մեծ Հայքը», կա'մ էլ հաջորդ հատվածում հիշատակվող ἡλικὴ Ἀρμενία-ն։ Վերջինիս կազմում Սեբաստիա, Նիկոպոլիս¹³, Սատաղ և այլ քաղաքների հիշատակությունից երևում է, որ խոսքը Թեոդոս Մեծի ժամանակից սերող Առաջին Հայքի մասին է¹⁴, նախքան Հուստինիանոսի վերափոխությունները։

536 թ. մարտի 18-ին հրապարակած 31-րդ նովելլայով Հուստինիանոս I-ը արմատական վերափոխեց Արևմտյան Հայաստանում գոյություն ունեցող վիճակը։ Կազմվեցին Առաջին Հայքը (կենտրոնը Հուստինիանուպոլիս), Երկրորդ Հայքը (Սեբաստիա), Երրորդ Հայքը (Մելիտինե), Չորրորդ Հայքը (Մարտիրուպոլիս)¹⁵։ Հուստինիանոսը այս նահանգների միջև սահմանեց հետևյալ ենթակարգը. չորս Հայքերից «երկուսը սպեկտրալային են և կառավարվում են՝ մեկը ենթահյուպատոսի, մյուսը կոմեսի կողմից, ընդ որում Առաջին Հայքի կառավարիչը ենթահյուպատոս է, իսկ Երրորդ [Հայքինը]՝ կոմես։ Երկրորդ և Չորրորդ [Հայքերի]՝ կառավարիչները Օրդինար են... մենք սահմանում ենք, որ Առաջին Հայքի կառավարչին՝ այսինքն ենթահյուպատոսին, ուղղվեն բողոքարկումները [Երկրորդ] Հայքից, ուրեմն Սեբաստիայով, իսկ Երրորդ Հայքի կոմեսին, որը Մելիտինեում է, մինչև նշված գումարի չափով՝ Չորրորդ Հայքից»¹⁶։

Չորս Հայքերին վերաբերող միակ անգերազանցելի հետազոտությունը մնում է Ն. Աղոնցի ֆունդամենտալ մենագրությունը։ Ինչպես նշել է գիտնականը, Հուստինիանոսի միջոցառումները կոչված էին առաջին հերթին կարգավորելու և ապահովելու պետական գանձումները, քանի որ տեղական բնակչությունը հրաժարվում էր հարկեր վճարելուց¹⁷։ Հետագայում, Մավրիկիոսի միջոցառումները, որոնք կիրառվեցին Հայաստանից զավթած ավելի ընդարձակ տարածքում, նույնպես ծառայեցին կայսրության նվաճողական շահերին (հարկերի գանձում, հայկական ռազմական ուժերի տեղահանում և օգտագործում բյուզանդիայի հեռավոր սահմանների վրա և այլն)։

¹¹ A Greek-English Lexicon, compiled by H. G. Liddell and R. Scott, vol. I, Oxford, 1951, p. 702.

¹² Н. Адопц. Указ. соч., с. 161, 166—168.

¹³ Սեբաստիա և Նիկոպոլիս քաղաքների մասին պատմիչը նշել է. αὐτὸν ἐν Ἀρμενίᾳς πολεῖσθαι Proc. Aed., III. iv. 11, տե՛ս նաև Н. Адопц. Указ. соч., с. 141—156։

¹⁴ Իսկ անդերևն հրատարակությունում այս վերջին շղկը Ἀρμενία-ն ծանոթագրությունում նույնացված է փոքր Հայքի հետ (Proc. Aed., III. iv. 1, էջ 194)։ Այնինչ, Պրոկոպիոսին հայտնի է, որ փոքր Հայքը հին անվանում է (Proc. Aed., III. iv. 15)։

¹⁵ Յուրաքանչյուր նահանգի տերիտորիալ կազմի մասին տե՛ս Н. Адопц. Указ. соч., с. 165—173։

¹⁶ Թարգմանել ենք Ն. Աղոնցի ռուսերեն թարգմանությունից (Н. Адопц. Указ. соч., с. 168—169), որը համեմատել ենք հունարեն բնագրի հետ։ Ոմանց կողմից նովելլայի այս հատվածը հայերեն սխալ է թարգմանված։ Այդ ժամանակաշրջանը լուսաբանող հունարեն է լատինական վերոհիշյալ աղբյուրների առանձին հատվածների հայերեն թերթի թարգմանության և սխալ մեկնաբանության հետևանքով չորս Հայքերի մասին, գեոևս Ն. Աղոնցի մշակած ճիշտ տեսակետի կողքին, այժմ գոյություն ունի մի սխալ կարծիք, ըստ որի Չորրորդ Հայքը գոյություն է ունեցել նախքան Հուստինիանոսի կատարած վերափոխությունները և նույնիսկ այս Արշակունիների թագավորության ժամանակ։

¹⁷ Н. Адопц. Указ. соч., с. 198.

Մովսես Խորենացու, Անանիա Շիրակացու և Հովհաննես Դրասխանակերտացու երկերում տեղեկություններ են պահպանվել տարբեր ժամանակներում հայկական հողերում կաղամկերպված բյուզանդական նահանգների վերաբերյալ: Խորենացու երկի ներկայիս վիճակում մեզ հասած շարադրանքում չորս Հալքերի մասին տարբեր կարգի տեղեկություններ են հաղորդվում: Դրանք միասին միայն մեկ անգամ են հիշատակվում, մյուս դեպքերում առկա է միայն Զորրորդ Հալքը՝ Մոփքի առնչությամբ: «Աստ յարեմուտս շարժեալ (Արամը — է. Դ.) ... հասան է ի կողմանս Կապադովկիացւոց, ի տեղի մի, որ այժմ ասի Կեսարիա... Եւ ինքն թողեալ զումն Մշակ անուն յազգէ իւրմէ, և բեր մի ի զօրաց իւրոց ի վերայ աշխարհին, և ինքն դառնայ ի Հայս: Բայց հրաման տալ բնակչաց աշխարհին՝ ուսանել զխոսս և զլեզուս հայկական. վասն որոյ մինչև ցայսօր ժամանակի անուանեն Յոյնք զկղիմայն զայն Պոտոն Արմենիան, որ քարգմանի Առաջին Հայք: Եւ զդաստակերտն զոր շինեաց յանուն իւր Մշակ կողմնապետն Արամայ... անուանին հինք աշխարհին՝ Մաժաք, որպէս ոչ կարելով ուղղախօսել. մինչև յետոյ յոմանց ընդարձակագոյն շինեալ՝ անուանեցաւ Կեսարիա: Ըստ նմին օրինակի ի տեղացն այնոցիկ մինչև ցրուն իւր սահմանսն, զբաղում անբնակ երկիր ելից բնակչօք, որք երկրորդ և երրորդ անուանեցան Հայք, այլ և Զորրորդ: Այս է առաջին և ճշմարիտ պատճառն վասն անուանելոյ դարեմտեան մեր կողմն Առաջին և երկրորդ, այլ և երրորդ և Զորրորդ Հայք»¹⁸: Ստ. Մալխասյանցը, Խորենացուն համարելով V դարի հեղինակ, իրավացիորեն եզրակացրել է, որ «Երրորդ» և «Զորրորդ» Հայք բառերը ընդմիջարկություններ են Խորենացու երկում¹⁹: Աշ. Աբրահամյանը առաջ քաշեց Խորենացու երկում և Անանիա Շիրակացու «Աշխարհացոյցում» Արեմտյան Հայաստանը չորս մասի բաժանված լինելու մասին հիշատակության հարցը²⁰, սակայն որքանով մեզ հայտնի է, այդ ուղղությամբ նա չի շարունակել իր հետազոտությունը:

Խորենացու երկից հետևում է, որ Հայաստանն էր Արամի բուն երկիրը: Արամը, ըստ պատմիչի, «զբազում անբնակ երկիր» լցրեց բնակիչներով մինչև «ցրուն իւր սահմանսն», այսինքն՝ մինչև Հայքի սահմանները: Կապադովկիայից մինչև Մեծ Հալքի արեմտյան սահմանը տարածվում էր Փոքր Հայքը, որը «նայած հայտնի էր Խորենացուն», սակայն Արամի կապակցությամբ նա այն չի հիշատակում: Այդ թերևս, վկայում է այն մասին, որ Խորենացին Արամի հետ կապված հնագույն հայկական ավանդությունը բերում է ավելի ուշ ժամանակներին վերաբերող պատմաաշխարհագրական հենքի վրա²¹: Վերոհիշյալ հատվածում հիշատակվում է, որ նշված տարածքը Արամը անվանեց Առաջին, երկրորդ, երրորդ և Զորրորդ Հայք: Ասել է, թե չորս Հայքերը գտնվել են Արամի բուն երկրից՝ Հայքից դուրս: Ուրեմն, ըստ այդպիսի շարադրանքի, նախ սխալ տեղեկություն է հայտնվում Զորրորդ Հայքի մասին, որ իբր այն ի թիվս մյուս Հայքերի տարածվում էր մինչև Արամի բուն երկրի սահմանները, իսկ այնուհետև այդ տեղեկությունը հակասության մեջ է մտնում հաջորդ հաղորդումների հետ՝ Մեծ Հայքի թագավորության արևմուտքում գտնվող Մոփքի («Զորրորդն կոչեցեալ Հայոց») կապակցությամբ: Վերջինիս մասին կարդում ենք. «Հաստատ է (Վաղարշակը — է. Դ.) զմեծ նահապետութիւնն Մոփաց ի

18 Մովսիսի Խորենացույ Պատմութիւն Հայոց. Տփղիս, 1913, Ա, մղ: Խորենացուն ուշ շրջանի հեղինակ համարողները այս հատվածը այդ տեսանկյունից են ընկնում:

19 Մովսես Խորենացի. Հայոց պատմություն. Երևան, 1910, էջ 268, ծան. 57:

20 Աշ. Աբրահամյան. Խորենացուն վերագրվող «Աշխարհացոյց»-ի հեղինակի հարցի շուրջը. Երևան, 1940, էջ 58, 84:

21 Մովսես Խորենացի, Ա, իթ:

22 Թեև նույնիսկ ենթադրենք, որ Խորենացին Մեծ Հայքի հետ Փոքր Հայքն էլ էր նկատի ունեցել Արամի բուն երկրի սահմաններում՝ որպես Հայոց հնագույն պետության անբաժանելի մաս, ապա այս դեպքում ևս, ըստ Խորենացու երկի ներկա վիճակում մեզ հասած շարադրանքի, նշված հատվածի Զորրորդ Հայքը մնում է Արամի բուն երկրից դուրս:

Զորորորդն կոչեցեալ Հայոց», «Արքեղայտոս, որ էր կարգեալ ի վերակացութիւն Զորորորդն կոչեցեալ Հայոց, կշտամբեալ ի նմանէ (Ռոտտակէս—Արիստակէս—է. Գ.), սպասեաց ի դիպող աւուր, և պատահեալ ի ճանապարհի Մոփաց գաւառին, սպան զնա սրով. և ինքն գնաց փախստական ի Տաւրոս կիւլիկեցոց: Իսկ զմարտին երանելոյն բարձեալ աշակերտաց, բերին յնկեղեաց գաւառն, հանգուցանել ի Թիւն, յիրում աւանին»²³: Եթե հորենացին իրոք իմանար Զորորորդ Հայքի մասին, ապա այն չէր տեղադրի մի դեպքում եփրատից արևմուտք, իսկ մյուս դեպքում՝ արևելք, այլ միշտ կնշեր եփրատից արևելք, ինչպես հետևում է այս վերջին հատվածներից: Նշենք նաև, որ հորենացին հիշատակում է Անձիտը, Անգեղ-տունը, Հաշտեանքը, այլ առիթներով՝ կրկին Սոփրը, սակայն ոչ մեկի կապակցութեամբ Զորորորդ Հայքը նրա երկում այլևս չի նշված:

Հորենացու երկի մեղ հասած շարադրանքից հետևում է, որ Կապադովկիան Մաժար-Կեսարիա քաղաքով հանդերձ եղել է Առաջին Հայքի կազմում: Այստեղ արտացոլվել և միահյուսվել են տարբեր ժամանակներին վերաբերող տեղեկությունները. 1. հորենացին տեղյակ էր Առաջին և Երկրորդ Հայքերի կազմավորմանը, քանի որ այդ տեղի էր ունեցել իր ապրած ժամանակից մի քանի տասնամյակ առաջ: 2. հորենացին պետք է նաև տեղյակ լիներ, որ Փոքր Հայքը, որի հյուսիսային մասից Թևոդոս Մեծը կազմավորեց Առաջին Հայքը, մինչև III դարի վերջը հանդես էր եկել Կապադովկիա նահանգի կազմում: Նույնիսկ վերջինից Փոքր Հայքի անջատվելուց և հետագայում Առաջին և Երկրորդ Հայքերի բաժանվելուց հետո էլ Մեքսոտիայում և Մելիտինեում գտնվող զրանց մետրապոլիտությունները ճանաչում էին իրենց նախկին մետրապոլիտի՝ Կեսարիայի աթոռի ավագութեան իրավունքը և միայն Քաղկեդոնի 451 թ. ժողովից հետո անմիջապես կախման մեջ դրվեցին Կոստանդնուպոլսի հալապետից²⁴: 3. հորենացուն հասել էին նաև հնագույն տեղեկություններ՝ կապված Արամի և Պալապիս Քաղեայի կովի (որը, ըստ որոշ գիտնականների կարծիքի, Ջեսի և Տյուփոնի կովի մի այլ տարբերակն է) ու Զրու (ըստ Մարկվարտի՝ արմեններ)²⁵ ցեղի հետ:

Ի տարբերություն հորենացու երկի, Շիրակացու «Աշխարհացոյցում» Առաջին Հայքը (Առաջին) Կապադովկիայից արևելք է նշված: «Առաջին Հայք, յեկից կալով Առաջին Կապադովկիոյ առ երի Երկրորդ Հայոց, և սահմանի յեկից եփրատայ. և լեռոն ունի զԱռգեսոս, և գետ զԱլիս և այլ մասունս»²⁶: հորենացին չի հիշատակում Առգեսոս լեռը և Առաջին Կապադովկիան, այլ գրում է Մաժար-Կեսարիայի և Կապադովկիայի մասին: Կապադովկիայի և Փոքր Հայքի

23 Մ ո վ ս ե ս հ ո ռ ե ն ա ց ի, Բ, Ը, դա: Հմմտ. «Արքեղայտոս ոմն կուսակալ Մոփաց աշխարհին՝ կշտամբեալ ի նմանէ սակս շար գործոց իւրոց, ըստ դիպմանց իմն ճանապարհի ուրմն աշխարհի Մոփաց՝ ժպրհեալ ոխերիմ մտօք սպանանէ գուորն սրով, և փախստեայ ինքն գնացեալ յարեմուտս Տօրոսի: Զոր ապա բարձեալ զնշխարհալ մարմինն նորուն աշակերտացն՝ տարեալ հանգուցին յնկեղեաց գաւառն ի Թիւն աւանի» (Տովհանու կաթողիկոսի Դրասխանակերտեցոյ Պատմութիւն Հայոց. Թիֆլիս, 1912, էջ 41):

24 Н. А. Д о н и ч. Указ. соч., с. 68, 72, 360.

25 J. M a r k w a r t. Die Entstehung und Wiederherstellung der armenischen Nation. Potsdam, 1919, S. 66-68. տե՛ս Հ. Մ ա ռ ա ռ դ ի ա Ն. Քննական տեսությունն հայ ժողովրդի պատմության. Երկեր, հ. Ա, Երևան, 1977, էջ 25-26:

26 «Աշխարհացոյցի» այն ձեռագրերում, որոնցում Կապադովկիան նշված է առանց «Առաջին» բառի, Առգեսոսի փոխարեն առկա է «գեհնոս» կամ «զգեհնոս» (Մաշտոցի անվ. Մատենադարան (ՄՄ), ձեռ. № 582, 1717, 5613): Սա վկայում է ույզ ձեռագրերի գրչական կապի մասին: Ճիշտը «Առաջին Կապադովկիոյ» և «զԱռգեսոս» ընթերցումներն են: Որոշ ձեռագրեր այստեղ հիշատակում են «Երի Երկրորդ Հայոց» (ՄՄ, № 562, 696, 1717, 2370, 4284, 5613), իսկ մյուսները՝ «Երր Երրորդ Հայոց» (ՄՄ, № 1267, 1459, 1436, 1898, 2019, 2291, 2748, 3691, 3941, 5126, 7933): Նախընտրությունը պետք է տալ «Երկրորդ Հայք» ընթերցվածին, քանի որ Առաջին Հայքը նկարագրությունը նախորդող շարադրանքում խոսքը «Երկրորդ Հայքի» (ՄՄ,

հետ կապված վերոհիշյալ պատմական իրողությունը²⁷ պետք է ինչ-որ չափով ազդած լինի «Աշխարհացոյցի» շարադրանքի վրա, և Առգեոս լեռան հիշատակությունը Առաջին Հայքի կազմում²⁸ թերևս դրա արգասիքը լինի:

Առաջին Հայքը, ըստ Շիրակացու «Աշխարհացոյցի», սահմանակից էր Առաջին Կապադովկիային²⁹ և ընկած էր Ալիս գետի ավազանում (հյուսիս-արևելյան մասում), իսկ Երկրորդ Հայքը գտնվում էր դրանից հարավ: Այդ համապատասխանում էր 386 թ. մինչև Հուստինիանոս I-ի վերափոխությունները գոյություն ունեցած վիճակին³⁰:

Երկրորդ Հայքի մասին «Աշխարհացոյցի» տեքստում կարդում ենք. «Երկրորդ Հայք. յելից կալով [Կի]լիկիոյ առ Տաւրոս լեռամբ, ունի լեռինս երիս, և գետս չորս և դրունս երկու ելանելոյ Ասորոց»³¹: Մխիթարյանների մատենադարանի № 1245 ձեռագրում (թ. 18) առկա է. «Երկրորդ Հայք, որ արդ կոչին Առաջին Հայք՝ յելից կալով Կիլիկիոյ [ի] յ[յ]», որից հետո՝ «առ Տաւրոս» բառերի վերևում ավելացված են «որ է Սասուն» բառերը: Մաշտոցի անվան Մատենադարանի ձեռագրերում, որքանով մեզ հայտնի է, չկա «որ արդ կոչին Առաջին Հայք» արտահայտությունը, իսկ № 2370 ձեռագրի 254ր էջի ձախ սյունակի վերջում գրված «Կիլիկիոյ» (Կիլիկիոյ—է. Դ.) բառից հետո ջնջում է կատարված և ավելի մուգ թանաքով գրված է. «որ է Սա», բայց աջ սյունակը սկսվում է առանց ջնջումի, արդեն ձեռագրի թանաքով և նույն գրչի կողմից գրված «սուն» բառամասով, որին հաջորդում են «առ Տորոս» բառերը և շարունակությունը: Ինչպես տեսնում ենք, Մաշտոցի անվան Մատենադարանի № 2370

№ 2370, 4284, Վենետիկի Մխիթարյանների Մատենադարանի ձեռ. № 1245) մասին է, որը մի շարք ձեռագրերում ուղղակի նշված է «Հայք» (ՄՄ, № 582, 696, 1267, 1459, 1486, 1717, 1898, 2019, 2291, 2748, 3941, 5120, 5613, 7993):

27 Կղավդիոս Պտղոմեոսը Փոքր Հայքը հիշատակել է Կապադովկիա նահանգի կազմում (Ptol. V. 6):

28 Առգեոսի և Մաժարի հարևանությունը հիմք ընդունելով, Ս. Երեմյանը ենթադրել է, որ «Աշխարհացոյցում» Առգեոսը լսացվել է խորենացու ազդեցությամբ: Ս. Երեմյանը առաջարկում է վերականգնել. «[Աշխարհ] Առաջին Հայք՝ որ արդ կոչին [Երկրորդ Հայք, որ կայ յելից Կապադովկիոյ, և երկուսն տարածի մինչև ցմիրատ, և լեռոն ունի զԱռգեոս: և ունի Ալիս գետ և այլ գետս երկուս... և լեռինս բազումս և մեծամեծս» (Ս. Տ. Երեմյան. «Աշխարհացոյցի» սկզբնական բնագրի վերականգնման փորձ.— «Պատմա-բանասիրական հանդես», 1973, № 1, էջ 251):

29 Կապադովկիան 371 թ. բաժանվեց երկու նահանգի, իսկ 535/6 թ. Հուստինիանոսը միավորեց Առաջին և Երկրորդ Կապադովկիաները (տե՛ս Н. Адонц. Указ. соч., т. 88, 163):

30 Ուրեմն, իրոք պետք է հիմք ընդունել «առ երի երկրորդ Հայք» ընթերցվածը: Ս. Երեմյանը նշել է, որ «Աշխարհացոյցում» Փոքր Հայքը բերվում է ըստ նույնքան 536 թ. գոյություն ունեցած վիճակի:

31 Աշխարհացոյց է դարձել, էջ 15. տե՛ս К. П. Патканов. Армянская география VII в. СПб., 1877: «Աշխարհացոյցի» ընդարձակ խմբագրությունում «առ Տորոս լեռամբ»-ից հետո կարդում ենք. «...յերի Ամանոս լեռին, որ բաժանէ ընդ նա և ընդ Կոմագենի Ասորոց մինչև ցմիրատ: Ունի և այլ լեռինս Զիզոն և զԲասիլիկոն և զԿոռմանդոն. և գետ զնոյն զՊիրատոս և զՊառատիս. և զԿապադոս և զԿառոմոսոս. և դրունս բ. ելանելո Ասորոց» (Մխիթարյանների մատ., ձեռ. № 1245, էջ 37—38): ՄՄ № 2370 ձեռագրում, ի տարբերություն ՄՄ վերոհիշյալ այլ ձեռագրերի, արդ տեղում հիշատակվում են Ամանոսի լեռները և Կոմագենեն: Ա. 696, 1459, 1486, 2019, 2291, 2748, 3941, 5120 ձեռագրերում այս տեղում գետեր չեն հիշատակվում: № 582, 1717, 4284, 5613-ում նշված է «գետս գ», իսկ ՄՄ № 1898, 2370, 7993 ձեռագրերում՝ «գետս դ», որոնց անունները բերված են Վեն. Մխիթ. մատ. ձեռ. № 1245-ում: Վերջինում եղած «որ արդ կոչին Առաջին Հայք»-ը Ս. Երեմյանը սրբագրել է «որ արդ կոչին Երկրորդ Հայք»՝ այն կապելով Հուստինիանոս I-ի կազմակերպած նահանգի հետ («Պատմա-բանասիրական հանդես», 1973, № 1, էջ 249—250): ՄՄ նշված ձեռագրերում «Կիլիկիոյ» է, իսկ Բ. Պատկանյանի հրապարակած «Աշխարհացոյցի» տեքստում և Վենետիկի Մխիթարյանների մատենադարանի № 1245 ձեռագրում առկա է «Կիլիկիոյ»:

ձևադրում ևս առկա են ընդմիջարկված «որ է Սասուն» բառերը, միայն թե այստեղ ընդմիջարկությունը կատարվել է ձևագրի արտագրության ժամանակ, իսկ Մխիթարյանների մատենադարանի № 1245 ձևագրում այն ավելացվել է։ Ընդմիջարկողները Կիլիկյան Տավրոսի մասին եղած տեղեկությանը կցել են իրենց բացատրությունը Հայկական Տավրոսում գտնվող Սասունի մասին։

ՄՄ № 2370 ձևագրում Երրորդ Հայքի մասին 254բ էջում կարդում ենք. «Երրորդ Հայք, որ կայ յելից կալով Կապադովկիոյ. և Երկայն տարածի, մինչև ցնփրատ, և ունի այլ գետս բ. և լեռինս բազումս»։ ՄՄ № 582, 696, 1267, 1486, 1748, 1898, 2019, 2291, 3691, 3941, 4284, 7993 ձևագրերում «Երրորդ»-ի փոխարեն այս տեղում գրված է «Երկրորդ» (№ 582 ձև. «կ» տառից հետո ջնջում կա, այնուհետև շարունակությունն է), իսկ ՄՄ № 1717 և 5613 ձև.՝ «Հայք են»³²։ «Աշխարհացոյցի» այս հատվածում ճիշտը «Երրորդ Հայք» ընթերցումն է։ Կապադովկիայի մասին տեղեկությունը վերաբերում է այն ժամանակաշրջանին, երբ Հուստինիանոս I-ը վերամիավորեց Առաջին և Երկրորդ Կապադովկիաները, իսկ Երկրորդ Հայքը դարձրեց Երրորդ Հայք։

Անանիա Շիրակացին, աշխատելով տարբեր ժամանակաշրջաններին վերաբերող նյութերի վրա, հիմնական քարտեզագրական աղբյուր է ունեցել Կղավդիոս Պտղոմեոսի (83—168) և Պապուս Աղեքսանդրացու (մոտ. 320—380) երկրորդ Անանիա Շիրակացին շնայած գրել է Առաջին, Երկրորդ և Երրորդ Հայքերի մասին, սակայն Մեծ Հայքի սահմանը արևմտյան կողմից նշել է Փոքր Հայքը. «Մեծ Հայք են, յելից կալով [Պոնտոս] Կապադովկիոյ և Փոքր Հայոց, առ նփրատ գետով մերձ ի Տաւրոս լեառն, որ բաժանէ զնա ի Միջագետաց»³³։ Այստեղ Շիրակացու աղբյուրներն են հնադրյն քարտեզագրական նյութերը³⁴։

Եթե հնարավոր լիներ ընդունել վերոհիշյալ սրբագրությունները («[Աշխարհ Առաջին Հայք՝ որ արդ կոչին] Երկրորդ Հայք» և «Աշխարհ Երկրորդ Հայք, [որ արդ կոչին Երրորդ Հայք]»), ապա խնդիրը միանշանակ և լուծումը պարզ կլիներ, քանի որ այդ տեղեկությունները կվերաբերեին միայն Հուստինիանոս I-ի ժամանակաշրջանին։ Սակայն հարցը բարդանում է ոչ միայն նրանով, որ առկա ձևագրերը այդպիսի ընթերցումներ չունեն և նման վերականգնումների հետևանքով «Աշխարհացոյցի» երեք Հայքերից մեկը՝ Առաջին Հայքը, դուրս է մնում, քանի որ այդ դեպքում պետք է խոսվեր նաև Հուստինիանոսի Առաջին Հայքի մասին, որը, սակայն, իրոք բացակայում է «Աշխարհացոյցում»։ Իսկ եթե ենթադրենք, որ ճիշտ է ընդարձակ խմբագրության ընթերցումը («Աշխարհ Երկրորդ Հայք, որ արդ կոչին Առաջին Հայք»), ուրեմն պետք է ընդուն-

32 Վենետիկի Մխիթ. մատ. № 1245 ձևագրում այս հատվածը չկա։ Ա. Սուքրին իր կողմից հրապարակած «Աշխարհացոյցի» տեքստի այդ բացակայող հատվածը քառակուսի փակագծերում լրացրել է Առաջին և Երրորդ Հայքերի մասին այն տեղեկություններով (Աշխարհացոյց Մովսեսի խորհրդանշան, էջ 25. տե՛ս Géographie de Moïse de Corène d'après Ptolémée, texte arm., trad. en français par le Ar. Soukry, Venise, 1881), որոնք առկա են այլ օրինակներում (հմմտ. Աշխարհացոյց է դարու, էջ 15. տե՛ս К. П. Патканов. Указ. соч.)։ Իսկ Սեն-Մարտենի կողմից հրապարակած «Աշխարհացոյցի» տեքստում սկզբում հիշատակվում է Երրորդ Հայքը, այնուհետև, Առաջին Հայքի նկարագրության կապակցությամբ, կրկին Երրորդ Հայքն է նշված, մինչդեռ Երկրորդ Հայքը բերված է այս հատվածի վերջին պարբերությունում (M. J. Saint-Martin. Mémoire historique et géographiques sur l'Arménie. T. II, Paris, 1819, p. 354)։

33 Փոքր Հայքը հիշատակվում է նաև Զորրորդ Հայքի մի գավառի նկարագրությունում. «Գաւառի գաւառ, ընդ որս եկեալ Արածանի խառնի յնփրատ ի քաղաքն Լուսաթառիճ, և երթալով դմտիւք՝ ելանէ ի սահմանս Փոքր Հայոց, յելից Մելիտինէ» (տե՛ս Ս. Տ. Երեմյան. Հայաստանը ըստ «Աշխարհացոյց»-ի, էջ 105, 107)։

34 Ptol. V, 6, 12.

ներք, թե այստեղ անմիջապես խոսվում է Մավրիկիոսի կողմից կազմավորված Առաջին Հայքի մասին, առանց Հուստինիանոսի Երրորդ Հայքի հիշատակության, քանի որ Թեոդոս Մեծի Երկրորդ Հայքը Հուստինիանոսը վերանվանեց Երրորդ Հայք, որը Մավրիկիոսը դարձրեց Առաջին Հայք: Ա. Սուբրիի կողմից կատարված փակագծային վերականգնումները ընդունելու դեպքում կստացվի, որ միևնույն ժամանակ գոյություն ունեին Թեոդոսի և Մավրիկիոսի Առաջին Հայքերը և Հուստինիանոսի Երրորդ Հայքը: Իսկ եթե ընդունենք, որ անհրաժեշտ է «Առաջին» բառի տեղում գրել «Երրորդ», ապա կհետևի, որ Հուստինիանոսի Երրորդ Հայքը երկու անգամ է նկարագրվել: Այսպիսով, մեզ հասած ձեռագրերից կարելի է առաջ ժամանակն եզրակացնել, որ «Աշխարհացոյցում» Առաջին և Երկրորդ Հայքերի մասին եղած տեղեկությունները վերաբերում են IV դարի վերջից մինչև Հուստինիանոս I-ի վերափոխություններն ընկած ժամանակաշրջանին, իսկ Երրորդ Հայքին վերաբերող տեղեկությունները՝ 536 թ. մինչև Մավրիկիոսի վերափոխություններն ընդգրկող շրջանին»³⁵:

Հովհաննես Դրասխանակերտցին երկու անգամ անդրադառնում է չորս Հայքերին, երբ պատմում է Արամի, իսկ այնուհետև՝ Մավրիկիոսի գործունեությունը մասին: Արամը «ղկապուտկեցիս ևս... ընդ իւրեաւ նուաճեալ սեպհակաւէր. և զկղիմայն զայն և զպոռփտոնն ըստ իւրում իսկ անուանն Արմենի անուանէր, որ մինչև ցայսօր այս անուն Յունականաց անտի աշխարհին այնմիկ անուանի»³⁶: Դրասխանակերտցին կամ, ավելի հավանական է, նրա ձեռագրի հետագա արտագրողները հորենացու բնագրի «Պոստին» բառը զարժեցել են «պոռփտոնն»:

Թեև Դրասխանակերտցու մոտ նույնպես Առաջին Հայքի կազմավորումը կապվում է Արամի գործունեության հետ, սակայն հյուսիսային սահմանը տրրված է Թեոդոս I-ի վարչական բաժանմանը համապատասխան: «Իսկ յԱրմենէն լայնմանէ կոչեցելոյ մինչև ցկողմանս Պոստացոյց Առաջին Հայք զաշխարհն անուանեաց»³⁷: Հայտնի է, որ Թեոդոս I-ի Առաջին Հայքը իր կազմավորումից մինչև 536 թ. հյուսիսից սահմանակից էր Պոզեմոնական Պոստոսին: Դրասխանակերտցին իր շարադրանքի շարունակությունում Թեոդոս I-ը և Հուստինիանոս I-ի Երկրորդ Հայքերին վերաբերող տեղեկությունները իրար է շաղկապել. «և ի Պոստոսէ մինչև ցոլորտս քաղաքին Մելտինոյ Երկրորդ Հայք»³⁸: Թեոդոս I-ի Երկրորդ Հայքը չի հարել Պոստոսին, իսկ Հուստինիանոսի Երկրորդ Հայքը՝ Մելտինեն: Մելտինեն Թեոդոս I-ի Երկրորդ Հայքի կենտրոնն էր, իսկ Սեբաստիան՝ Հուստինիանոսի Երկրորդ Հայքի, որը հյուսիսից հարում էր պոնտական հողերին: Թեոդոսի Առաջին Հայքի մի մասը մտել էր Հուստինիանոսի նորակազմ Առաջին Հայքի մեջ: Ուրեմն, այստեղ Դրասխանակերտցու մոտ իրոք միևնույն՝ «Երկրորդ Հայք» անունը կրող և տարբեր ժամանակներում գոյություն ունեցած նահանգների մասին եղած տեղեկությունները շաղկապվել են: Եթե նկատի ունենանք նաև, որ աղբյուրում Մելտինեն հիշատակված է Երրորդ Հայքում («և ի Մելտինոյ մինչև ցոսմանս Ծոփաց» Երրորդ Հայք), ապա այս հատվածում, բացի վերոհիշյալից, համատեղվել է նաև տեղեկություն Հուստինիանոսի Երրորդ Հայքի մասին:

Զորրորդ Հայքի վերաբերյալ Դրասխանակերտցին այս հատվածում գրել է. «Եւ ի Ծոփաց մինչև ցքաղաքն Սարտիրոսաց և աշխարհն Աղծնեաց արեմրտեայ Զորրորդ Հայք»³⁹: Եթե այնպես հասկանանք, որ այս նահանգի սահ-

35 Վենետիկի Մխիթ. մատ. № 1245 ձեռագրի «որ արդ կոչին Առաջին Հայք» արտահայտությունը, եթե զբաղվենք ընդմիջարկում չհամարվի, ապա անհրաժեշտ կլինի այնպես բացատրել, որ հակասություն չստեղծվի մյուս Հայքերի մասին եղած հաղորդումների հետ:

36 Հովհաննես Դրասխանակերտցի, էջ 18:

37 Նույն տեղում:

38 Նույն տեղում:

39 Այնուհետև Դրասխանակերտցին ամփոփում է. «Այս մինչև ցոսմանս բնիկ տիրութեան իւրոյ: Իսկ զսեպհական և զբնիկ աշխարհ իւր համատարած զսա Մեծ Հայք անուանէ» (Հովհաննես Դրասխանակերտցի, էջ 18): Ինչպես նշեցինք, հորենացու ձեռագրերում

մանը հասնում էր մինչև Մարտիրոսաց (Մարտիրոսապոլիս) քաղաքը (առանց այն ընդգրկելու) և Աղծնիքի արևմտյան սահմանը, ապա կհետևի, որ նկատի էր առնված Մարտիրոսապոլիսի (Նփրկերտի) սահմանը, կամ այլ կերպ ասած՝ Նփրկերտ գավառի (ըստ «Աշխարհացոյցի» Աղծնիքի արևմտյան մասում էր գտնվում) սահմանը։ Այս, թերևս, այն Չորրորդ Հայքն էր, որը, ինչպես ստորև կտեսնենք, հիշատակված է «Աշխարհացոյցում»։ Իսկ եթե ենթադրենք, որ Մարտիրոսապոլիսը և արևմտյան Աղծնիքը (Նփրկերտ գավառը) Դրասխանակերտցու կողմից այնուամենայնիվ նկատի էին առնված այստեղ հիշատակված Չորրորդ Հայքի կազմում, ապա կհետևի, որ խոսքը Հուստինիանոս I-ի Չորրորդ Հայքի մասին է, որին պատմիչը մասամբ⁴⁰ անդրադարձել է իր երկի մյուս հատվածում՝ գրելով Մավրիկիոսի գործունեության մասին. «Չորրորդն էր Նուստինիանոսը, յորում մայրաքաղաք է Մարտիրոսացապոլիս, այսինքն՝ Նփրկերտ, Ֆուստինիանոսիստ, ղնա գրէ ի դիւան արքունի»⁴¹։

Այս հատվածում Դրասխանակերտցին կրկին անդրադարձել է վերոհիշյալ Հայքերին. «Նախ գԱրմենին գայն, որ Առաջին Հայքն անուանիր»՝ Երկրորդ Հայք ղնա Մօրիկ կոչնաց, յորում մայրաքաղաք է Սևաստիայ»⁴²։ Այս հաղորդման կապակցությամբ Գեղեցիկը նշել է, որ Դիոկղեսիանոսի ժամանակվա Առաջին Հայքը, Սևաստիա կենտրոնով, Հուստինիանոսի և Մավրիկիոսի ժամանակ դարձավ Երկրորդ Հայք⁴³։ Այնինչ, Առաջին Հայքը առաջացավ Թեոդոս Մեծի ժամանակ։ Հյուբեմանը և Դուբերը գտնում էին, որ Դրասխանակերտցին սխալվում էր Մավրիկիոսին վերագրելով Երկրորդ Հայքի կազմավորումը Առաջին Հայքի այն մասից, որտեղ գտնվում էր Սևաստիան. այդ իրականացրել էր Հուստինիանոսը⁴⁴։ Կարծում ենք, որ Դրասխանակերտցու ալը հաղորդման մեջ պետք է որոշ չափով արտացոլված լինեն նաև Մավրիկիոսի ժամանակ գոյություն ունեցած վիճակը։ Այդ առնչությամբ անհրաժեշտ է անդրադառնալ պատմիչի հետևյալ հաղորդմանը. «Իսկ զՊոնտոս, յորում մայրաքաղաք է Տրապիզոն՝ կոչէ ղնա Մասն Մեծ Հայոց»։ Այստեղից հետևում է, որ Մավրիկիոսը վերստին էր Հուստինիանոսի Առաջին Հայքը և դրա հյուսիս-արևմտյան մասից կազմել Մասն Մեծ Հայոց նահանգը, իսկ մնացյալից՝ մեկ ուրիշ նահանգ. «Դարձնալ զաշխարհն Կարնայ, յորում մայրաքաղաք է Թէո-

րնդմիջարկված Երրորդ և Չորրորդ Հայքերին վերաբերող տեղեկությունները հակասություն են ստացաքել նրա շարադրանքի տարբեր հատվածների միջև։ Դրասխանակերտցու ձեռքին եղել է խորհանցու հրկի այդ կարգի ընդմիջարկված ձեռագրական օրինակը, որտեղ առաջացած հակասությունը փոխանցվել է Դրասխանակերտցու երկին։ Դա ակնհայտ է, քանի որ չորս Հայքերն ըստ Դրասխանակերտցու տարածվում էին «մինչև ցոահմանս բնիկ տիրութեան» Արամի։

40 Կարծում ենք մասամբ, որովհետև Հուստինիանոս I-ի Չորրորդ Հայքը (կենտրոնը Մարտիրոսապոլիս) միայն Նփրկերտի գավառով չէր սահմանափակված, այլ ավելի ընդարձակ էր։

41 Հո վ հ ա ն ն ե ս Դրասխանակերտցի, էջ 68։ Եթե ընդունենք, որ վերը Դրասխանակերտցին Չորրորդ Հայքը նշել էր այն ընդգրկմամբ (համապատասխանելով Մավրիկիոսի «այլ Չորրորդ Հայքին»), ինչպես բերվում է «Աշխարհացոյցում», ապա վերջին հատվածում նշված Չորրորդ Հայքը կհամապատասխանի Մավրիկիոսի կազմավորած Վերին Միջագետք կամ Չորրորդ Հայք նահանգի (կենտրոնը Ամիդ) հյուսիս-արևմտյան մասին։ Եթե այդպես է, ուրեմն, Մարտիրոսապոլիսը որպես այդ մասի կենտրոն հիշատակելուց հետո է, որ Դրասխանակերտցին, թերևս, կրկին միահյուսել է Հուստինիանոս I-ի և Մավրիկիոսի կազմավորած նահանգների մասին եղած տեղեկությունները։

42 Հո վ հ ա ն ն ե ս Դրասխանակերտցի, էջ 68։

43 2. Դ ե լ ց եր. Սկզբնավորությունը բյուզանդական բանականության դրուժյան, թարգմ. Գ. Գարանիլյան. Վիեննա, 1903։ Նա Երկրորդ Հայքն էլ է համարել Դիոկղեսիանոսի ժամանակվա արգասիք (էջ 27)։ Այնինչ, ինչպես վերը տեսանք, Երկրորդ Հայքը ստեղծվել էր 386 թ.։

44 Հ. Հյուբեման. Հին Հայոց տեղվո անունները. Վիեննա, 1907, էջ 38։ Հմմտ.

P. Goubert. Byzance avant l'Islam. T. I, Paris, 1951, p. 296.

դոսուպոլիս՝ անուանել զնա Մեծ մասն Մեծ Հայոց»⁴⁵։ Այսպիսով, Մավրիկիոսը վերափոխեց Հուստինիանոսի Առաջին Հայքը, դրանից կազմելով երկու նահանգ, իսկ Երկրորդ Հայքը թողեց անփոփոխ։ Հավանաբար այս տեսանկյունից պետք է դիտել այն փաստը, որ Դրասխանակերտցին, միաճյուսելով տարբեր տեղեկություններ և անձնավորություններ, հայտնում է, թե Մավրիկիոսը Առաջին Հայքը կոչել էր Երկրորդ Հայք, մինչդեռ դա Հուստինիանոսի ձեռնարկումն էր (Մավրիկիոսը այն թողեց անփոփոխ)։

Եթե Դրասխանակերտցին խոսել է Հուստինիանոսի Երրորդ Հայքի արևելյան հատվածի մասին, պատճառը թերևս այն էր, որ պատմիչի ըմբռնմամբ Թեոդոս I-ի (Հուստինիանոսի և Թեոդոսի անունները չորս Հայքերի կապակցությամբ պատմիչը չի տալիս) Երկրորդ Հայքի մի մասը զբաղեցրել էր Հուստինիանոսի Երրորդ Հայքի արևմտյան մասը։ Այստեղ մասամբ արտացոլվել է նաև այն իրողությունը, որ Թեոդոսի Երկրորդ Հայքը Հուստինիանոս I-ը վերանվանեց Երրորդ Հայք։

Կապադովկիայի հետ Փոքր Հայքի հնում եղած վերոհիշյալ կապի մասին տեղեկությունները բավականին աղավաղված ձևով, թերևս, արտացոլվել են նաև Դրասխանակերտցու (կամ նրա բնագրի ընդօրինակումների) շարադրանքում։ Այդ երևում է հետևյալ տողերից. «Իսկ զԿապադովկիայ, յորում մայրաքաղաքն է Կեսարիա՝ և Երկրորդ Հայք նախ անուանիր, կոչել զնա Երրորդ Հայք և առնել զնա Եպարքի»⁴⁶։ Հյուրըմանը նշել է, որ Կապադովկիան երբևիցե Երկրորդ կամ Երրորդ Հայք չի կոչվել⁴⁷։ Փորձենք Դրասխանակերտցու այդ հագորդմանը մոտենալ այլ տեսանկյունից։ Եթե հնարավոր լիներ այդ հատվածի առաջին մասում կարդալ. «Իսկ զԿապադովկիայ, յորում մայրաքաղաքն է Կեսարիա... և [զայն, որ] Երկրորդ Հայք նախ անուանիր, կոչել զնա Երրորդ Հայք...», ապա կարելի կլիներ ասել, որ գործ ունենք բնագրի հետագա աղահատման հետ։ Ի դեպ, Մատենադարանի Դրասխանակերտցու երկի № 189C ձեռագրում (1689 թ.) բացակայում է «և» շաղկապը։ Այս հանգամանքը կարող է հուշել, որ շփոթությունն առաջացել է նախադասության առաջին մասից, որը Երկրորդ Հայքին վերաբերող հաղորդումից անջատ է եղել, ուստի այդպիսի անավարտ տեսքով այն կապ չունի Երկրորդ մասի հետ։ Դրասխանակերտցու երկի 18-րդ էջում հիշատակված Երկրորդ Հայքի նկարագրությունից երևում է, որ իրոք 68-րդ էջում Երկրորդ Հայքի շաղկապումը Կապադովկիայի հետ ձեռագրական թյուրիմացություն պետք է լինի։ Հնարավոր է, որ մինչ աղահատվելը Դրասխանակերտցու բնագիրը Կապադովկիայի և Երրորդ Հայքի առնչությամբ իր մեջ բովանդակել է նաև «Աշխարհացոյցի» վերոհիշյալ այն տեղեկությունը, ըստ որի Երրորդ Հայքը «յեղից կալով Կապադովկիոյ»։

Նախադասության երկրորդ մասում հաղորդվող տեղեկության համաձայն, Մավրիկիոսը (որ սխալ է, պետք է լինի Հուստինիանոս I-ը) Երկրորդ Հայքը վերափոխեց Երրորդ Հայքի։ Հաջորդ տեղեկությունը՝ «իսկ զՄելիտինէ, որ ունի զհամանուն իւր գաւառս՝ է և Երրորդ Հայք, կոչել զնա Առաջին Հայք», իրոք վերաբերում է Մավրիկիոսի գործունեությանը։ Ինչպես նշել է Գեյցերը, VII դարի եկեղեցական ժողովների մասնակիցների ստորագրություններից նույնպես երևում է, որ Մելիտինեն, Առկան, Արաբիսոսը և Կուկուսոսը Առաջին Հայքի մեջ էին⁴⁸։ Այդ քաղաքներին անհրաժեշտ է ավելացնել նաև Արիարաթիան և Կոմանան, որոնք, ինչպես նշել է Բարսեղ Հայր (Իալիմբանացի), նույնպես Առաջին Հայքի կազմում էին, որի կենտրոնը Մելիտինեն էր⁴⁹։ Ըստ Երե-

45 Հ ո Վ Տ ա ն ն ե ս Դ Ր Ա Ս Խ Ա Ն Ա Կ Ե Ր Տ Ե Ի, էջ 68։

46 Ն ու յ ն տեղում։ Հ մ մ տ. Վ ա ռ ղ ա ն վ ա ռ ղ ա պ ե տ, էջ 59։

47 Հ. Հ յ ու ը մ ա ն. նշվ. աշխ., էջ 38։

48 Georgii Cyprii Descriptio Orbis Romani, ed. H. Gelzer. Lipsiae, 1890, LVIII.

49 Ն ու յ ն տեղում, էջ 2 և 14։ Որոշ հետազոտողներ, ընայած նույնպես խոսում են Մավրիկիոսի վերափոխությունների մասին, սակայն շարունակում են Երրորդ Հայք անվանել այն տարածքը, որը Մավրիկիոսը վերանվանեց Առաջին Հայք։

վնասված, հարցը միայն նահանգների համարակալման փոփոխման մեջ չէր: Հիշենք, որ Հուստինիանոսի ժամանակ տարբեր թվարկման Հայք անունը կրող նահանգները, ըստ կարգի, իրար հանդեպ տարբեր դիրք էին գրավում:

Հայքերի հետ կապված շփոթությունները հետևանք էին այն բանի, որ այդ նահանգների կազմավորումը և վերափոխությունները ընդգրկում էին նույն և հարակից տարածքները: Իսկ քանի որ Մավրիկիոսի անձի շուրջ միջնադարյան Հայաստանում նույնիսկ առասպելներ էին հյուսվել⁵⁰, ապա դժվար չէ պատկերացնել, թե ինչու Դրասխանակերտցին Արամից հետո Մավրիկիոսի հետ է կասում Հայքերի վերակազմավորման գործը⁵¹:

Անանիա Շիրակացու «Աշխարհացոյցում» Չորրորդ Հայքի մասին կարգում ենք. «Չորրորդ Հայք, որ է Ծոփաց կողմն յերի կայ Բարձր Հայոց և գաւառք են ի նմա ը. Խորձեն, Հաշտանք, Պաղնատուն, Բալահովիտ, Ծոփք, Հանձիտ, Գաւրեք, Դէգիր...»⁵²: Ի տարբերություն Շիրակացու, Դրասխանակերտցին Չորրորդ Հայքի մասին, ինչպես վերը նշեցինք, տարբեր ժամանակաշրջաններին վերաբերող տեղեկություններ է հաղորդել. 1. Չորրորդ Հայքին վերաբերող Դրասխանակերտցու առաջին նկարագրությունը, թերևս, համապատասխանում է «Աշխարհացոյցի» Չորրորդ Հայքի ընդհանուր տարածքին, 2. Չորրորդ Հայքի երկրորդ նկարագրությունում Դրասխանակերտցին հիշատակում է միայն նփրկերտ-Հուստինանունիստ (Հուստինիանունիստ)-Մարտիրոսապոլիս քաղաքը, որը «Աշխարհացոյցում» Չորրորդ Հայքի կազմում չի նշված, իսկ նփրկերտի գավառը բերված է Աղձնիքի կազմում:

Ն. Աղոնցը գրել է. «Հուստինիանոսի Չորրորդ Հայքը փոփոխությունների ենթարկվեց 591 թ. հողային նոր ձեռքբերումների հետևանքով: Աղձնիքը կալսությունն անցնելուց հետո Ծոփանենների և Ամիդի շրջանի հետ միասին կազմեց նոր նահանգ՝ Վերին Միջագետք կամ Չորրորդ Հայք անունով, իսկ նախկին Չորրորդ Հայքը Խորձանի ու Մուզուրի՝ Ներքին Հայքի կազմի մեջ (մինչ այդ — է. Դ.) մտնող գավառների հետ կազմեց եպարքիա, որը կոչվում էր Հուստինիանա կամ այլ Չորրորդ Հայք: Առաջինի մայրաքաղաքը Ամիդն էր, երկրորդինը՝ Դադիմը: Այդ բաժանումը արտացոլվել է Գեորգ Կիպրացու աշխատությունում: «Աշխարհացոյցի» Չորրորդ Հայքը տարբերվում է Գեորգ Կիպրացու նույնանուն դավառից նրանով, որ դրա մեջ չի ընդգրկված Մուզուրը, իսկ Չորրորդ Հայքը կամ Վերին Միջագետքը «Աշխարհացոյցում» կրում է հիմնականում այն կազմող շրջանի՝ Աղձնիքի անունը, ընդ որում, նրա մեջ մշտնում է ոչ թե ամբողջ Ծոփանենեն, այլ միայն դրա մի մասը, որը տեղադրված է Տիգրիսի ձախ ափին և կոչվում է նփրկերտ, իսկ Տիգրիսի աջ ափը մինչև Բնաբեղ դուրս է նետված»⁵³: Ն. Աղոնցը նշել է, որ Դրասխանակերտցին դիտի այդ փոփոխությունների մասին, «ըստ որում Iustiniana-ն փոխանցում է Յուստինիանունիստ բառով»⁵⁴: Գեղեցերը, Գուբերը և այլ հետազոտողներ նույնպես այդ կարծիքին են, քանի որ Դրասխանակերտցու հաղորդումից հետևում են, որ վերջինս Չորրորդ Հայքն էր Հուստինիանա անվանել⁵⁵: Սակայն Դրասխանակերտցին բերել է նույն քաղաքի երեք անվանումները՝ Մարտիրոսապոլիս-նփրկերտ-Հուստինիանունիստ: Ջոնսը նշել է, որ Մալալայի մի հաղորդման համաձայն Հուստինիանոսը Մարտիրոսապոլիսը վերանվանեց Հուս-

50 Л. Мелликсет-Бек. Из истории армяно-византийских отношений («Маврикийские легенды» в памятниках культуры древней Армении).—Византийский вестник, 1961, т. XX, с. 64—74.

51 Վաղ միջնադարում Հայաստանում կայսրությունը կարողացավ առավելագույն տարածքի տիրանալ միայն Մավրիկիոսի օրոք:

52 Ս. Տ. Երեմյան. Հայաստանը ըստ «Աշխարհացոյց»-ի, էջ 106:

53 Н. Адонц. Указ. соч., с. 234—235.

54 Նույն տեղում, էջ 234:

55 Georgi Cyprii Descriptio..., LVIII. P. G o u b e r t. Op. cit., p. 296.

տիրանուպոլիս⁵⁶ (չշփոթել Հուստինիանոսի Առաջին Հայքի նույնանուն մայրաքաղաքի հետ):

Է. Հոնիգմանը Գեորգ Կիպրացու՝ իր հրապարակած տեքստի վերին Միջագետք կամ Չորրորդ Հայք նահանգի նկարագրության շարունակությունից դուրս է թողել մի հատված, որից բխում է, որ այդ նահանգի սահմանը VI դարի վերջում հասնում էր մինչև Բաղեշի լեռնանցքը⁵⁷: Այդ հատվածի լույսի տակ, թերևս, բացատրվի նաև Դրասխանակերտցու հետևյալ հաղորդումը. «Ի Մեծն Հայոց մասն ինչ մնացեալ էր ի ձեռս Հոռոմոց կողմանց անտի ի Բասենոյ մինչև ի սահմանս Ասորեստանի Մեծ Հայք զնա (Մավրիկիոսը—Է. Դ.) կոչէ»⁵⁸: Այստեղ հիշատակված Ասորեստանի սահմանը պետք է համապատասխաներ վերին Միջագետք կամ Չորրորդ Հայք նահանգի հյուսիսային սահմանին: Հետաքրքիր է նշել, որ Բաղեշի լեռնանցքը թուվմա Արծրունու երկի հետ հանդես եկող Անանունի գրվածքում անվանված է «դրունս Ասորեստանի»: Դրա մոտակայքում հիշատակվում է Կոտոմ գյուղը (Տուրուբերանի ծայր հարավում գտնվող Երևաթք գավառում), որը պատկանելիս է եղել Աղձնիքի իշխանական տանը⁵⁹:

Descriptio-ում հիշատակվող Աղձնիքի կազմում հանդես եկող ամրոցքաղաքներից (Ափում, Արիբախոն, Քղիմար, Դաֆնուդին, Բաղեշ⁶⁰, Սամոկարտա) առավել տարակարծություն է առաջացրել 'Αριβαχων-ը⁶¹: Թերևս անհրաժեշտ է ուշադրություն դարձնել 'Αριβαχων բնիքը վածի վրա: Այս անունը պետք է հնագույն ծագում ունենա: Դրա հիմքում, թերևս, ընկած է վերոհիշյալ Ἀριμω (Մարկվարտի կողմից արմենների հետ էր նույնացվել) ցեղական Պատմական Աղձնիքի տարածքում, այժմյան Բաթմանսու (հին հայկական Քաղիթթ) գետի ձախ ափին, այժմյան Արմադին քաղաքից հարավ-արևելք և հին հայկական Քղիմար քաղաքից հարավ գտնվում է «էրմի» բնակավայրը, որը, կարծում ենք պետք է համապատասխանի պատմական 'Αριβαχων (Արիմախոն)-ին:

Վերին Միջագետք կամ Չորրորդ Հայք նահանգը, որի կենտրոնը Ամիդն էր⁶², տարածվում էր մինչև Բաղեշի լեռնանցքը և Վանա լճի հարավ-արևմուտյան առափնյա շրջանը՝ Ընծաքիսսու լեռը, Մոկքի արևմտյան եզրագիծը և Ջերմ գետի ստորին հոսանքի շրջանը:

«Աշխարհացոյցի» Չորրորդ Հայքը, ինչպես նշել է Ն. Ադոնցը, համապատասխանում էր «այլ Չորրորդ Հայքին» Դադիմ կենտրոնով: «Աշխարհացոյց»

⁵⁶ A. H. Jones. The Cities of the Eastern Roman Provinces, second ed., Oxford, 1971, p. 225, 444.

⁵⁷ Georgii Cyprii Descriptio..., p. 945—947; Le Synekdemus d'Hieroclès et l'opuscule géographique de George de Chypre, ed. E. Honigmann. Bruxelles, 1939, p. 65. Ըստ Է. Հոնիգմանի, այդ նահանգը մինչև Բաղեշ չէր հասնում (E. Honigmann. Die Notitia des Basileios von Ialimbana.—Byzantion, t. IX, 1934, S. 214.

⁵⁸ Հոմիգմանն Դրասխանակերտցու, էջ 68:

⁵⁹ Թուվմայի վարդապետի Արծրունույ Պատմութիւն տանն Արծրունեաց, ի լոյս էած Ք. Պատկանյան, Ս. Պետերբուրգ, 1887, էջ 297:

⁶⁰ Գելցերը (նշվ. աշխ., էջ 175—176) և Հոնիգմանը Լենթադրել են, թե Աղձնիքում հիշատակվող այս Βαλσος-ը Βασιλσος-ի ղուգահեռն է և այն նույնացրել են Բալուի (այժմյան Պալու) հետ: Իր կողմից հրապարակած քարտեզում Հոնիգմանը Βαλσος-ը նշել է Բալահովիտում (E. Honigmann. Die Ostgrenze des Byzantinischen Reiches von 363 bis 1071. Bruxelles, 1935, S. 31—32, Karte I), Սակայն Βαλσος-ը պետք է առնչվի նույն Աղձնիքում հիշատակվող Βαλακισσων-Բաղեշի հետ, իսկ Βασιλσος-ը, որը նշված է «այլ Չորրորդ Հայքի» կազմում, Βαλζήτιον-Բալահովիտում գտնվող նույն Բալուն է:

⁶¹ W. Tomaschek. Sasun und das Quellengebiet des Tigris. Sitzungsber. Akad. Wien. Bd. CXXXIII (IV). 1895, S. 15; J. Markwart. Südarmenien und die Tigrisquellen. Wien. 1930, S. 423; E. Honigmann. Op. cit., S. 30—31.

⁶² Տե՛ս H. Адонц. Указ. соч., с. 234:

ցում» Չորրորդ Հայքը «Մոփաց կողմն» կոչելը և դրա կազմում նփրկերտի բացակայությունը արտացոլում է այն իրողությունը, որ խոսքը իրոք վերաբերել է, ի թիվս հիշյալ գավառների, նաև նախկին Շահունի (Շահնի) Մոփքի տարածքն ընդգրկող նահանգին՝ «այլ Չորրորդ Հայքին» և ոչ թե նախկին Մեծ Մոփքի տարածքում գտնվող Չորրորդ Հայքին (կամ Վերին Միջագետք նահանգի հյուսիս-արևմտյան մասին)⁶³։ Անհրաժեշտ է ուշադրություն դարձնել, որ Չորրորդ Հայքը «Մոփաց կողմն» է անվանվում «Աշխարհացոյցի» ընդարձակ խմբագրությունում։

Խորենացու Պատմության ձեռագրերում Արամի գործունեությանը վերաբերող հատվածում երրորդ և Չորրորդ Հայքի մասին տեղեկությունները ընդմիջարկվել են կամ «Աշխարհացոյցի» համառոտ խմբագրությունից (քնդարձակում երրորդ Հայքը չի հիշատակված, որը հավանաբար հնուց եկող ձեռագրական վրիպում է) կամ որևէ այլ աղբյուրից, իսկ Մոփքի կապակցությամբ Չորրորդ Հայքի մասին տեղեկությունը, թերևս, ընդմիջարկվել է «Աշխարհացոյցի» ընդարձակ խմբագրությունից կամ Սեբեոսի Պատմությունից (կամ էլ նրա աղբյուրից), ուր պահպանվել է «Չորրորդն կոչեցեալ Հայոց» արտահայտությունը⁶⁴, որը բնագրային է։ Պետք է նկատի ունենալ, որ Խորենացու երկի բնագրում եղած ավելի հին՝ Մոփք պատմաաշխարհագրական հասկացությանը կցվել են «Չորրորդն կոչեցեալ Հայոց» ավելի ուշ շրջանին համապատասխանող բառերը։ Եթե Խորենացու երկի ձեռագրերում այդ բառերը ընդմիջարկվել են «Աշխարհացոյցի» աղբյուրությամբ, ապա նկատի ունեն Մավրիկիոսի «այլ Չորրորդ Հայքը», իսկ եթե այլ աղբյուրի աղբյուրությամբ, ապա կարող են նկատի ունենալ նաև Հուստինիանոսի Չորրորդ Հայքը։ Ամեն դեպքում, բնագրի Մոփքը (որպես գավառ) և ընդմիջարկված «Չորրորդ Հայքը» իրար հարաբերում են ինչպես մասը ամբողջին։ Այն, որ Խորենացու երկում Արիստակեսի սպանությունից, կապակցությամբ և Մոփքի առնչությամբ հիշատակվող Չորրորդ Հայքին վերաբերող բառերը ընդմիջարկություն են, երևում է նաև Փավստոս Բուզանդի և նույնիսկ հետագայում Հովհաննես Դրասխանակերտցու մոտ⁶⁵ առջև դրվագի կապակցությամբ «Չորրորդ Հայք» անվան բացակայությունից։

Արամին վերաբերող հատվածում «երրորդ» և «Չորրորդ» Հայք բառերը Խորենացու երկի ձեռագրերում, թերևս, ընդմիջարկվել են մինչև X դարը, քանի որ այդ ընդմիջարկությունները ազդել են Դրասխանակերտցու երկի՝ Արամին վերաբերող հատվածի վրա։ Անանիա Շիրակացու՝ «Չորրորդ Հայք, որ է Մոփաց կողմն» և Սեբեոսի՝ «Չորրորդ կոչեցեալ Հայոց» հիշատակություններից կարելի է ենթադրել, որ Խորենացու երկի ձեռագրերում «Չորրորդն կոչե-

63 «Աշխարհացոյցի» նփրկերտ գավառի կազմում, թերևս, հանդես էր գալիս Անգեղ-տան տարածքը, որի անունը չի հիշատակված նաև Descriptio-ում (հմտ. A. Jones. Op. cit., p. 225)։ Նկատի ունենանք նաև, որ Աղձնիքը ավելի հին պատմաաշխարհագրական հասկացություն էր, իսկ Վերին Միջագետք նահանգը ընդգրկում էր ավելի մեծ տարածք։ Հիշենք, որ մինչև 37 թ. Մեծ Հայքի կազմի մեջ է եղել Միջագետք Հայոցը։ Հետագայում Միջագետք անունը կրող հռոմեական նահանգը, որը ընդգրկում էր նաև Հայաստանի հարավ-արևմտյան որոշ գավառները, ավելի ընդարձակ տարածք էր զբաղեցնում։ Ոսրոյենի անջատումից հետո Միջագետք նահանգի կենտրոնը դարձավ Մծրինը, իսկ վերջինիս 368 թ. պարսիկներին անցնելուց հետո՝ Ամիդը։ Այդ նահանգի մեջ մտնող Ամիդի, Մոփքի, Անձիտի, Մարտիրոսպոլի, Անգեղ-տան և Նոփանենայի եպիսկոպոսները մասնակցել էին Քաղկեդոնի 451 թ. ժողովին (տե՛ս H. A. ДОНЦ. Xkatz. соч., с. 39, 363)։ Նշենք, որ դեռևս կարոտ են ուսումնասիրության Փավստոսի հաղորդումները Աղձնիքում Տիգրանակերտի գտնվելու և Մեծ Մոփքի առանձին հիշատակվելու մասին (Փավստոս Բուզանդ. Դ, իդ. ե, իէ), ինչպես նաև Խորենացու երկում Տիգրանակերտի հիշատակվելու (Ա, իզ, լա. Դ, իզ, իը), իսկ Անանիա Շիրակացու «Աշխարհացոյցում»՝ չհիշատակվելու հարցը։

64 Նաև «Չորրորդ Հայք» (Պատմություն Սեբեոսի, աշխատասիրությամբ Գ. Վ. Աբգարյանի. Երևան, 1979, էջ 165, 171)։

65 Փավստոս Բուզանդ. Դ, բ։ Հովհաննես Դրասխանակերտցի, էջ 41։

ցեալ Հայոց» բառերը ընդմիջարկվել են VII դարից ոչ շուտ: Այդ ընդմիջարկությունը նույնպես կարող էր մինչև X դարը տեղի ունեցած լինել (նույնը կարելի է ասել Մոփաց նախարարության կապակցությամբ ընդմիջարկված «Չորրորդն կոչեցեալ Հայս» բառերի մասին), սակայն հորենացու երկի միայն որոշ ձեռագրերում: Եթե չասենք, թե այդ ընդմիջարկությունը կատարվել է X դարից հետո, ուրեմն Դրասխանակերտցու կողմից օգտագործվել են հորենացու երկի այն ձեռագրերը, որոնցում Արիստակեսին վերաբերող հատվածում «Չորրորդն կոչեցեալ Հայոց» բառերը դեռևս ընդմիջարկված չեն եղել: Իսկ եթե Մոփքի կապակցությամբ ընդմիջարկությունը կատարվել է X դարից հետո, ուրեմն Դրասխանակերտցու ժամանակ հորենացու երկում ընդմիջարկվել էին միայն «Երրորդ» և «Չորրորդ» Հայք բառերը Արամին վերաբերող հատվածում:

«Աշխարհացոյցի» գանադան ժամանակներում արտագրված և խմբագրված ձեռագրերի առանձնահատկություններով են պայմանավորված հորենացու երկի ձեռագրերում առկա նշված ընդմիջարկությունները, որոնք նույնպես կարող են տարբեր ժամանակների արգասիք լինել⁶⁶: Ուրեմն, հորենացու երկի ձեռագրերում Արամին վերաբերող հատվածում «Երրորդ» և «Չորրորդ» Հայք ընդմիջարկված բառերը իրենց մեջ բովանդակում են Հուստինիանոս I-ի ժամանակ ստեղծված նահանգների անունները, իսկ այդ նահանգներից վերջինը տրոհվեց Մավրիկիոսի ժամանակ և «այլ Չորրորդ Հայքի» կազմով (բայառությամբ Մնձուրի), սակայն Չորրորդ Հայք անունով, գրանցվեց «Աշխարհացոյցում» ու ազդեց հորենացու երկի ձեռագրերի վրա: Ինչ վերաբերում է Դրասխանակերտցուն, ապա նա օգտվել է նաև այլ աղբյուրներից և նրա երկում Չորրորդ Հայքի կապակցությամբ, ինչ-որ չափով, արտացոլվել են տեղեկություններ Հուստինիանոս I-ի Չորրորդ Հայքի, Մավրիկիոսի «այլ Չորրորդ Հայքի»⁶⁷ և, թերևս, Վերին Միջագետք կամ Չորրորդ Հայք նահանգի հյուսիսարևմտյան հատվածի մասին⁶⁸:

Այսպիսով, V դարում ապրած Մովսես հորենացու երկի բնագրում խոսք չէր կարող լինել և չի եղել Երրորդ և Չորրորդ Հայքերի մասին: Այս տեսանկյունից սրբագրելով հորենացու երկի նշված հատվածները, կվերանա ընդմիջարկություններից առաջացած վերոհիշյալ հակասությունը, որը թափանցել է նաև Դրասխանակերտցու երկի մեջ: Չորս Հայքերի կապակցությամբ տարվող հետազոտությունները հնարավորություն են ընձեռում քննելու մի շարք հարցեր, որոնք վերաբերում են Մովսես հորենացու, Անանիա Շիրակացու և Հովհաննես Դրասխանակերտցու երկերի հեղինակային բնագրերին, վերջիններիս արտագրություններին, ինչպես նաև հիշյալ մատենագիրների երկերի հետադարձ ընդօրինակություններում առաջացած դրական փոխազդեցություններին:

66 Ինչպես նշեցինք, հնարավոր է, որ հորենացու երկի ձեռագրերում ընդմիջարկությունները նաև այլ աղբյուրների ազդեցությամբ առաջացած լինեն: Սակայն միջնադարյան Հայաստանում հիմնական աշխարհագրական երկը մնում էր Անանիա Շիրակացու «Աշխարհացոյցը», որի սկզբնությամբ էլ, զգալի չափով, ձևավորվում էին հայ պատմիչների պատմաաշխարհագրական պատկերացումները:

67 Կարծիք է հայտնվել, թե «այլ Չորրորդ Հայք» նահանգը, որը կրում էր նաև Հուստինիանոս անունը, կազմվել էր Հուստինիանոս II-ի (685—695, 705—711) օրոք (E. Honigsmann. Die Notitia des Basileios von Ialimban. S. 217): «Աշխարհացոյցի» սկզբները հիմք չեն տալիս նման եզրակացության համար: Անանիա Շիրակացին այն գրել է նախքան Հուստինիանոս II-ի ժամանակները, և «Աշխարհացոյցը» իր մեջ սլարոնակում է տեղեկություններ, որոնք վերաբերում են «այլ Չորրորդ Հայքի» տարածքին, չնայած տրված են Չորրորդ Հայք ընդհանուր անվան տակ, առանց «այլ» բառի:

68 Բյուզանդիային 591 թ. անցած Հայաստանի մնացած մասում Մավրիկիոսը ստեղծեց «Մեծ Հայք», «Պորագույն Հայք», «Ներքսագույն Հայք» նահանգները: Թեոդոսուպոլիսը մնացել էր խոր թիկունքում, ուստի Մավրիկիոսը բյուզանդական զորքերի ռազմական կենտրոնը Հայաստանում դարձրեց Շիրակաշատը, որը վերանվանվեց Մավրիկուպոլիս:

АРМЯНСКИЕ ИСТОЧНИКИ О РАННЕВИЗАНТИЙСКИХ ВОЕННО-АДМИНИСТРАТИВНЫХ ДЕЛЕНИЯХ ЗАПАДНОЙ АРМЕНИИ

Э. Л. ДАНИЕЛЯН

Резюме

После римско-персидского раздела царства Великой Армении (385 г.) Феодосий I (379—395) в 286 г., разделив Малую Армению, образовал провинции Первая и Вторая Армения. Согласно указу (ок. 529 г.) Юстиниана I (527—565) военная власть над «Великой Арменией» (которая называлась также Внутренней Арменией), Первой и Второй Арменией, Понтом Подемонийским и армянскими княжествами («сатрапиями» — власть принадлежала армянским нахарарским родам) юго-западной Армении была вверена магистру войск Ситте. Эти сведения, как показал Н. Адонц, согласуются с соответствующими сообщениями Прокопия Кесарийского.

В 536 г., согласно 31-й новелле, Юстиниан на армянских землях образовал новые провинции — Первая, Вторая, Третья и Четвертая Армения. При исследовании этой проблемы необходимо руководствоваться фундаментальной монографией Н. Адонца «Армения в эпоху Юстиниана». В последнее время высказано ошибочное мнение, что Четвертая Армения существовала еще до реформ Юстиниана и даже в период царствования армянских Аршакидов (т. е. до 428 г.).

Сравнительный анализ рукописей и текстов сочинений Мовсеса Хоренаци и Фавстоса Бузаанда (V в.), Анании Ширакаци (VII в.) и Ованеса Драсханакертци (X в.) показывает, что Хоренаци знал о Первой и Второй Армении Феодосия I, а Анания Ширакаци, кроме того, о Третьей Армении Юстиниана и Четвертой Армении («другой Четвертой Армении») Маврикия. Прав Ст. Малхасянц, считая интерполяцией слова «Третья» и «Четвертая» Армения в текст Хоренаци среди сведений, относящихся к Араму. То же самое выясняется относительно слов «Четвертая Армения», которые интерполированы в другие части текста Хоренаци. В изложении Драсханакертци переплетаются сообщения, касающиеся византийских делений разных периодов; оригинальными являются сообщения о том, что Маврикий образовал Первую Армению из Третьей, а также образовал провинции — Часть Великой Армении, Большая часть Великой Армении, Великая Армения, Внутренняя Армения, Глубинная Армения.

Военно-административные реформы империи диктовались ее захватнической политикой в Армении.